

見蜀王椿 太祖第十一子封蜀王名椿或作操似誤

洪武中太祖封子椿為蜀王是時兩川久定人物恬熙倏有老翁者神完貌古行動如飛一日方冠博帶翩然見王說以入道王不聽然心異其老健欲慕栖之老翁笑吟曰何必終南論捷徑宦情於我似鴻毛王高其節一日謂王曰藩封雖好然須志退心虛乃保無禍吾張三丰也將與海島諸仙游於寥廓矣王作詩以送之有吾師深得留侯術靜養丹田保谷神之句亦不相留祖師遂去或曰其後諸王如谷王穗遼王植多有不保其封而蜀王得以居安樂土者皆祖師教之云

道藏輯要

三丰全集 顯蹟

三美 續畢集七 八〇三

未嘗枯坐一山或言初入成都見蜀王椿王不喜道退還襄鄧間居武當二十三年一日游方拂袖而去
圓通子讀此一則題一絕云入幕仙翁一老皤相逢不識奈如何名言幾字將王報保得藩封受用多

寓指揮家

洪武中祖師游蜀僑寓環衛姜指揮家行踪詭異而人不識常戴一笠笠甚大雖小戶出入不礙繫鐵絲絛備極工緻朝夕居一磐石上嘗折枯梅枝插土即生花皆下垂故成都昔年猶遺

照水梅云

寓開元寺

夔州城西開元寺唐了休禪師遺像也明初祖師來游與僧廣海善寓居於寺者七日臨別贈以詩並留草履一雙沈香三片而去後海以詩及二物獻文帝答賜玉環一枚千佛袈裟一領今猶置寺中稱世寶云

見夔州府志並見夔州府志

三卻廷詔

洪武十七年甲子帝以華夷賓服詔求真人張三丰莫知所往明年春復強其弟子沈萬三敦請了不可得又召邱元靖入朝祖師因呈一詩並囑邱曰奏語明天子謂吾將遨遊海外矣其詩云流水行雲不自收朝廷何必苦徵求從今更要藏名姓山北山南任我遊帝覽而縱之尋拜邱爲監察御史賜美室均不道藏輯要

三丰全集 顯蹟

三

續畢集七

受邱可謂不忘師教也

神仙鑑有三詔之事而無寄詩一段

圓通子曰嚴子陵其吾師之前身耶

滇南踐約

洪武中京城自洪武門至水西門坍塌下有水怪潛窟築之復頽帝向忌沈萬三年命相同而大富召謂曰爾家有益能聚寶亦能聚土築門乎萬三不敢辨承命起築立基卽傾者三乃以丹金數片暗投其內築之始成費蓋鉅萬帝嘗欲犒軍召萬三貸之曰吾軍百萬但得一軍一兩足矣萬三如數輸之帝瞰其無困苦狀由是欲除之罪以他事議流嶺南萬三遂輕身攜妻奴去而委其家貲未幾命再徙於雲南旣至滇萬三無聊忽有